

**BOSNA I HERCEGOVINA**  
**FEDERACIJA BOSNE I HERCEGOVINE**  
**HERCEGOVAČKO NERETVANSKI KANTON**  
**KANTONALNI/ŽUPANIJSKI SUD MOSTAR**

**Poslovni broj: 07 0 Su 023991 23 Su**

**IZVJEŠTAJ O RADU KANTONALNOG/ŽUPANIJSKOG SUDA U MOSTARU**  
**ZA 2023. GODINU**

**UVODNE NAPOMENE**

U Županijskom-Kantonalnom sudu u Mostaru u tijeku 2023 god. sudačku funkciju obnašao je 21 sudac a u sudu je na kraju 2023. godine radilo 39 uposlenika i to 35 namještenika i 4 državna službenika. Naime, u tijeku 2023. godine nitko nije otišao u mirovinu , a primljeno je troje namještenika na od ranije upražnjena mjesta. Odlukom Vlade HNŽ/K u 12. mjesecu 2022. godine je dana suglasnost za prijem u radni odnos 1 državnog službenika – stručnog suradnika za informiranje-potparola suda , natječaj će biti raspisan početkom 2024 god.

Poslove iz svoje nadležnosti ovaj sud obavlja za područje općinskih sudova Konjic, Mostar, Čapljina i Čitluk odnosno Hercegovačko neretvanske županije / kantona.

U ovom izvještaju prezentirani su svi relevantni podaci koje je VSTV BiH svojim Smjernicama za izradu narativnog izvještaja o radu sudova propisao pod brojem 06-08-3-3755-1/2022 od 28.09.2022.godine.. Sastavni dio ovog izvještaja o radu je Pregled rada sudaca ovog suda za 2023. godinu u kojem su prikazani pojedinačni rezultati i kvalitet rada svakog od sudaca i predsjednika suda, kao i tabelarni pregled rada suda prema tabelama i standardima VSTV BiH, Godišnji raspored poslova sudaca za 2024.godinu i Program rada suda za 2024.godinu.

**OPĆE KARAKTERISIKE RADA**

Shodno članu 55. Zakona o sudovima, predsjednik suda je raspored poslova u sudu utvrdio godišnjim rasporedom poslova i osigurao njihovo izvršenje i dosljednu primjenu.

U izvještajnom periodu o sudu funkcionirali su kazneno-prekršajni, građansko-privredni i upravni odjel . Na kazneno - prekršajnom odjelu radila su dva suca, na građansko-privrednom odjelu radilo je 13 sudaca kao i predsjednik suda , dok je na upravnom odjelu poslove obavljalo 5 sudaca. Također po dva suca bila su zadužena Kpp i Kps predmetima ( uz građanske predmete )

Kolektivna norma suda u 2023.godini je 106,39 % što je odličan rezultat.

Kvalitet rada suda po redovitim i vanrednim pravnim lijekovima iznosi 84,71. Ovdje treba napomenuti da je u 2022 god. kvalitet rada suda bio na kraju izvještajnog perioda 70,03 % ali se nakon prigovora sudaca sa upravnog referata na broj ukinutih odluka Vrhovnog suda

FBIH Daniele Dalipagić-Rizvanović i Neri Mišetić , koji prigovori su od strane V.S.T.V. usvojeni pa je kvalitet rada nakon unosa promijenjenih podataka za navedene sutkinje iznosio 80,18 %

U okviru kaznenog odjela poslovi su obavljani u tročlanim prvostupanjskim kaznenim vijećima i tročlanim izvan raspravnim vijećima, tročlanim drugostupanjskim kaznenim vijećima, sucu za prethodni postupak i sucu za prethodno saslušanje, kao i dežurni suci za dežurstva izvan radnog vremena gdje su zbog nedovoljnog broja sudaca na kaznenom referatu uvršteni i suci sa građanskog i privrednog referata i novoimenovani suci sa upravnog odjela. Predsjednik suda je također zbog nedovoljnog broja sudaca na kaznenom referatu angažirao i suce s građanskog i upravnog odjela u radu prvostupanjskih krivičnih vijeća, tako da sud nije imao posebnih problema prilikom sastavljanja sudskih vijeća. Prema Uputstvu VSTV-a za izradu plana rješavanja predmeta od 27.11.2018.godine donijeti su planovi za drugostupanjska krivična vijeća na kvartalnom nivou i Godišnji plan za prvostupanjske predmete. Prvostupanjski kazneni predmeti su raspoređena na dva suca po 100% norme od kojih je jedan predsjednik vijeća. Predsjednik kazneno-prekršajnog odjela je sudac Marin Zadić.

Odlukom predsjednika suda određeni su suci koji redovno vrše nadzor nad izvršenjem mjere pritvora nad pritvorenicima u KPZ Mostar i postupanja po Pravilniku o kućnom redu u Ustanovama za zadržavanje.

U građansko-privrednom odjelu poslovi su se odvijali u okviru četveročlanih građanskih vijeća gdje su postojala tri vijeća za drugostupanjske građanske predmete, a posebno su određena dva suca za rad na obiteljskim sporovima i dva suca za rad na drugostupanjskom privrednom referatu. U 2023-toj godini na građanskom referatu radilo je 13 sudaca i predsjednik suda koji je također radio građanske predmete mada nije bio u obvezi obzirom da je u sudu uposlono više od 20 sudaca. Predsjednica građansko-privrednog odjela je sutkinja Tatjana Mijatović.

U sklopu građanskog referata je i privredni referat na koji su rasporedom poslova raspoređene dvije sutkinje građanskog odjela sa 50% predmeta .

Na upravni referat raspoređeno je pet sudaca na čelu sa predsjednicom odjela sutkinjom Ernom Filipović. Svi suci sa upravnog referata su i raspoređeni prema rasporedu na kazneni referat i to jedan sudac kao sudac za prethodni postupak i jedan sudac kao sudac za prethodno saslušanje te su također svi raspoređeni na dežuru na kaznenom referatu.

## **REZULTATI RADA PO POJEDINIM SUDSKIM REFERATIMA**

### **KAZNENO-PRAVNA OBLAST**

U izvještajnom periodu na kaznenom referatu sud je ukupno u radu imao 373 predmeta iz kazneno pravne oblasti. U 2023.godinu preneseno je 57 predmeta dok je primljeno novih 316 predmeta, a na kraju 2023.godine ostalo je 73 neriješenih predmeta. Na prekršajnom referatu preneseno je u 2023 god. 2 predmeta, zaprimljeno novih 103 Pžp predmeta pa je

ukupno u radu bilo 105 predmeta, riješena su 103 predmeta a 2 predmeta su ostala za rješavanje u 2024.godini.

U 2023.godini ukupno je na kaznenom referatu riješeno 300 predmeta, od toga 6 K predmeta ratnih zločina, 13 K predmeta, 76 drugostupajnskih Kž predmeta, 43 Kv predmeta, 27 Kps predmeta, 54 Kpp predmeta i ostalih kao što je dole navedeno u tabeli.

Ako se promatraju rezultati rada na kaznenom referatu, stanje se može iskazati tabelarno kako slijedi:

**Tabelarni prikaz protoka predmeta kaznenog i prekršajnog referata u 2023.godini**

R. b.	Referat	Preneseno iz 2022. god.	Zaprimljeno u 2023. god.	Ukupno u radu u 2023.god.	Riješeno u 2023. god.	Ostalo za rješavanje u 2024. god
1.	Kpp	1	54	55	54	1
2.	Kps	15	26	41	27	14
3.	Kv	1	47	48	43	5
4.	K	10	24	34	13	21
5.	Rat. zločin	14	5	19	6	13
6.	Kž	7	78	85	76	9
7.	Kmž	0	0	0	0	0
8.	Kp	0	3	3	3	0
9.	Iksž	0	10	10	10	0
10.	Kžk	1	5	6	1	5
11.	K-Mpom	3	17	20	19	1
12.	Kbs	0	4	4	4	0
13.	K-R	5	43	48	44	4
14.	Pžp	2	103	105	103	2
	<b>UKUPNO</b>	<b>59</b>	<b>419</b>	<b>478</b>	<b>403</b>	<b>75</b>

Slijedom stanja prednjih pokazatelja i rezultata, za istaći je dobar rad suda na svim kaznenim referatima sa samo 73 neriješenih kaznenih predmeta .

U 2023 god. zaprimljeno je ukupno 29 predmeta i to 5 predmeta ratnih zločina, 3 predmeta Organiziranog kriminala, 4 predmeta Zloupotrebe položaja ili ovlasti, 6 predmeta Razbojništva, 2 predmeta Ubojstva, 2 predmeta Pronevjere u službi, 1 predmet Krivotvorenje službene isprave, 1 predmet Porezne utaje i 5 predmeta Neovlaštene proizvodnje i stavljanje u promet opojnih droga. Priliv na ovom referatu u odnosu na 2022 god. je povećan zaprimanjem većeg broja optužnica ŽKT Mostar posebno vezanih za djela iz gospodarskog kriminala.

*Priliv na predmetima „Kps“ je povećan u odnosu na 2022.godinu kada je zaprimljeno 13 Kps predmeta a u 2023.godini – zaprimljeno 26 Kps predmeta i to: 6 predmeta Ratnih zločina, 2 predmeta Razbojništva, 12 predmeta Zloupotrebe položaja ili ovlaštenja 1 predmet*

*Teško djelo protiv sigurnosti javnog prometa, 2 predmeta Porezne utaje, 1 predmet Organiziranog kriminala i 2 predmeta zbog kaznenog djela Ubojstva.*

#### *Rad po predmetima Ratnih zločina*

Predmeti ratnih zločina se uzimaju prioritarno u rad po Revidiranoj državnoj strategiji za rad po predmetima ratnih zločina, ali zbog nemogućnosti zakazivanja gl. rasprava i svjedoka koji se nalaze u inozemstvu suci ovog suda uz predmete ratnih zločina, imaju i kvartalni plan rješavanja predmeta „KŽ“ i godišnji plan rješavanja predmeta u koji ulaze svi drugi kazneni predmeti a posebno hitni pritvorski predmeti.

Analizom protoka predmeta u 2023.godine uočen je povećani priliv predmeta na kaznenom referatu i to posebno zaprimljenih optužnica, tako da ih je u 2023.godini zaprimljeno 5 optužnica ratnih zločina u fazi Kps. Jedan predmet u Kps fazi završen je na drugi način jer je za osumnjičenim bila raspisana tjeratica, isti je bio u ekstradiციjskom pritvoru i umro zbog teške bolesti.

U odnosu na prvostupanjske K predmete ratnih zločina u 2023.godine zaprimljeno je 5 K predmeta ratnih zločina, a od početka godine riješeno je 6 predmeta ratnog zločina. 1 predmet ratnog zločina je pritvorski i u fazi je zakazivanja glavne rasprave, a osumnjičeni je i državljanin SAD-a a u pritvoru se nalazi jer je isti uhapšen prilikom posjete BiH, jer je za njim bila raspisana tjeratica.

Zbog nedostupnosti optuženih za predmete ratnih zločina označeni kao nerješiva su 3 predmeta i isti će biti proglašeni rješivim kada se steknu uvjeti za rad po istim, jer svi optuženi su nedostupni organima gonjenja i za njima je raspisana tjeratica.

#### *Rad po predmetima Organiziranog kriminala i korupcije*

Analizom protoka predmeta u 2023.godini uočen je povećan priliv Kps predmeta Organiziranog kriminala i koruptivnih djela i to zaprimljenih optužnica za koruptivna djela Zloupotrebe položaja ili ovlaštenja 12, 1 predmet Organiziranog kriminala i 1 predmeta Porezne utaje. Riješeno je po sporazumu o priznanju krivnje 7 predmeta, 1 predmet organiziranog kriminala riješen spajanjem predmeta.

U kaznenom prvostupanjskom postupku K u radu su 2 predmeta Organiziranog kriminala i to jedan pritvorski a drugi predmet je ukinut odlukom Vrhovnog suda FBiH i vraćen na ponovni postupak. Završen je 1 predmet Organiziranog kriminala i to izricanjem presude o sporazumu o priznanju krivnje. Ostali predmeti koji su zaprimljeni sud a označeni su kao predmeti korupcije ili organiziranog kriminala su :

- 2 predmet Pronevjere u službi od kojih je 1 predmet završen Presudom o sporazumu o priznanju krivnje
- 1 predmet Krivotvorenje službene isprave
- 4 predmeta Zloupotrebe položaja ili ovlaštenja.
- 1 predmet Porezne utaje

U odnosu na ostale prvostupanjske kaznene predmete (K) predmeta koji su završeni su krivična djela Razbojništva 4 predmeta (3 predmeta završeno po Sporazumu o priznanju krivnje i 1 predmet u meritumu, 3 predmeta Ubojstva završena po osnovu Sporazuma o priznanju krivnje ,1 predmet Teško djelo protiv opće sigurnosti ljudi i imovine sa odlukom u meritumu, 2 predmeta Neovlaštene proizvodnje i stavljanje u promet opojnih droga od kojih je 1 završen sa presudom na osnovu Sporazuma o priznanju krivnje i 1 riješen na drugi način .

Na prekršajnom referatu koji je sastavni dio kaznenog odjela rade dva suca . Ovaj referat ima smanjen priliv u 2023.godini jer je ovih predmeta zaprimljeno 103 a u 2022.godini 150 predmeta . Riješena su 103 predmeta te je za rješavanje u 2024.godini ostala samo 2 predmeta.

Na Planu rješavanja predmeta na kaznenom odjelu (kvartalni i godišnji plan) podijeljeno je 19 predmeta , riješeno 16 predmeta,3 predmeta nisu završena , što znači da je plan rješavanja predmeta izvršen sa 84,21%, što je veoma dobar rezultat , jer isti ima i kvartalni i godišnji plan rješavanja starih predmeta, a predmeti Ratnih zločina i Organiziranog kriminala se ne stavljaju prema Uputstvu VSTV-a na plan, a isti prema Revidiranoj državnoj strategiji za rad po predmetima ratnih zločina imaju prioritet u rad, tako da se može reći da je ovaj referat na planu ostvario veoma dobar rezultat.

Sud je u punoj mjeri koristio opremu audio-vizualno snimanje i suđenje i osiguranje dokaza, izrada transkripta zapisnika, tako da su suđenja znatno ubrzana i efikasnija, pogotovo imajući u vidu da je teret dokazivanja u kaznenom postupku prešao na stranke u postupku što je znatno rasteretilo sud u smislu veće angažiranosti i koncentracije na vođenje postupka i izradu odluka.

Na kaznenom referatu sud je dosljedno poštivao zakonske rokove za potvrđivanje i dostavu optužnice, zakazivanje ročišta i rasprava, donošenje i izradu odluka, određivanja i produženja i kontrole pritvora, zakazivanja drugostupanskih sjednica vijeća.

Ovaj sud redovno dostavlja izvještaje o radu ovog suda po predmetima ratnih zločina Sudu BiH (Državna strategija za rad po predmetima ratnih zločina II-9), te izvještaje VSTV- u o predmetima ratnih zločina Akcioni pregled rada po predmetima ratnih zločina.

### ***Žalbe u krivičnim (K, Kv, Kž i Kžk) predmetima***

Vrhovni sud Federacije BiH u izvještajnom periodu riješio je 10 predmeta po žalbama na K prvostupanskim predmetima od kojih je 7 odluka potvrdio ,1 odluku preinačio i 1 ukinuo i 1 djelomično ukinuo. Na predmetima ratnih zločina po kojima je Vrhovni sud FBiH odlučivao po žalbama riješio 7 predmeta od kojih su 3 predmeta potvrđen, 2 predmeta ukinuta i vraćena ovom sudu na rješavanje i 1 predmet preinačen i 1 djelomično ukinut. . Po žalbama u drugostupanskim kaznenim predmetima (Kv) ovog suda Vrhovni sud FBiH je u izvještajnom periodu riješio 18 predmeta i od toga 15 odluka potvrdio i 3 odluke ukinuo i 1 Kžk predmet ukinuo.

## **GRAĐANSKA OBLAST**

U izvještajnom periodu sud je imao ukupno u radu 4371 građanskih predmeta (Gž - 3145, Rsž-568, Pž-463, V-195). Na građanskom referatu radilo je 13 sudaca i predsjednik suda (iako nije u obvezi da radi po predmetima ) . U sklopu građanskog referata je i privredni referat zbog manjeg broja predmeta a koje predmete rade dvije sutkinje sa 50% norme .

Priliv predmeta na građanskom referatu je srazmjeran prošlogodišnjem prilivu, kada se izuzme 9.000 V predmeta koji su u 2022.godini zaprimljeni iz Općinskog suda Mostar na delegaciju općinskim sudovima Čapljina, Čitluk i Konjic. Završeno je ukupno 2860 predmeta predmeta i to 1998 Gž, 453 Rsž predmeta, 252 Pž predmeta i 157 V predmeta, a u 2024.godinu preneseno je sveukupno 1511 predmeta. Predsjednik Općinskog suda Mostar je u 2023.godini

podnio zahtjev predsjednik ovog suda da se odobri delegacija 15000 komunalnih predmeta općinskim sudovima na području HNŽ, te je predsjednik suda donio odluku kojom se odobrava delegacija 15.000 predmeta i to u 2024.godini 12.000 predmeta i 2025.godini 3000 predmeta. Po sadašnjem stanju predmeta i rasporedu sudaca ovaj sud, bez priliva predmeta „V“, postigao bi jednogodišnju ažurnost na ovom referatu..

Svi suci na ovom referatu su ostvarili normu veću od 100% što je veoma respektabilan rezultat, obzirom da su isti angažirani i na vijeća u krivičnim predmetima te obavljaju tjednu dežuru. Imajući u vidu da je prije tri godine trajanje postupka na ovom referatu bilo 4 do 5 godina, možemo konstatirati da ovaj sud radi maksimalno da se smanji broj neriješenih predmeta na ovom referatu. Svaki sudac je na kraju 2023.godine zadužen sa cca 160 predmeta a obzirom da je godišnja norma suca na ovom referatu 198 predmeta a svi suci, što je vidljivo iz Pregleda rada sudaca za 2023.godinu, koji je sastavni dio ovog Godišnjeg narativnog izvještaja, ispunili su normu veću od 100%. izuzev sudaca koji su koristili bolovanje i druga odsustva što je sve detaljno prikazano u gore navedenom Pregledu rada sudaca za 2022.godinu i tabelarnom izvještaju o radu suda za 2023.godinu..

Predsjednik suda nije bio u obvezi da radi po predmetima ostvario je normu u iznosu od 149%. Sve ovo ukazuje da je ovaj sud poduzeo sve aktivnosti da građanski referat smanji trajanje postupka na jednogodišnju normu suca što je i postignuto, a poseban pokazatelj je izvještaj o predvidim rokovima iz kojeg je vidljivo da je npr. drugostupanjskih parničnih predmeta u predvidivom roku riješeno 1260 predmeta, od ukupno završenih 1505 (Izvještaj o poštivanju optimalnih i predvidivi rokova također je sastavni dio ovog narativnog izvještaja)

Na Plan rješavanja predmeta na građanskom referatu podijeljeno je ukupno 2190 predmeta, riješeno je 2171 predmet, a od neriješenih 19 predmeta. 10 predmeta je proglašeno nerješivim, što znači da samo 9 predmeta nisu riješena i da je Plan rješavanja predmeta ispunjen na građanskom odjelu oko 99%, što je također veoma dobar i respektabilan rezultat.

Predsjednik suda opravdane urgencije koje se odnose na predmete iz građanskog referata, zbog dužine trajanja postupka po inicijalnom akt, ukoliko nisu ušli u Plan rješavanja predmeta prema starosti inicijalnog akta stavljao na Listu van plana, da se smanji nezadovoljstvo stranaka a i zbog Odluka Ustavnog suda BiH iz prethodnih godina, zbog dužine trajanja postupka, kojima je naloženo Vladi HNŽ da isplati naknadu nematerijalnih naknade zbog dužine trajanja postupka.

***Tabelarni prikaz protoka predmeta građanskog i privrednog referata u 2023.godini***

<b>R. b.</b>	<b>Referat</b>	<b>Preneseno iz 2022. god.</b>	<b>Zaprimljeno u 2023. god.</b>	<b>Ukupno u radu u 2023god.</b>	<b>Riješeno u 2023. god.</b>	<b>Ostalo za rješavanje u 2024. god</b>
<b>1.</b>	<b>Gž</b>	<b>1802</b>	<b>1343</b>	<b>3145</b>	<b>1998</b>	<b>1147</b>
<b>2.</b>	<b>Pž</b>	<b>258</b>	<b>205</b>	<b>463</b>	<b>252</b>	<b>211</b>
<b>3.</b>	<b>Rsž</b>	<b>447</b>	<b>121</b>	<b>568</b>	<b>453</b>	<b>115</b>
<b>4.</b>	<b>V</b>	<b>111</b>	<b>84</b>	<b>195</b>	<b>157</b>	<b>38</b>
	<b>UKUPNO</b>	<b>2618</b>	<b>1753</b>	<b>4371</b>	<b>2860</b>	<b>1511</b>

***Revizije u drugostepenim privrednim i građanskim predmetima***

Na građanskom referatu a po izjavljenim revizijama na odluke ovog suda u drugostupanjskim građanskim (Gž i Rsž) i drugostupanjskim privrednim predmetima (Pž) predmeti, Vrhovni sud Federacije BiH je riješio u izvještajnom periodu ukupno 369 predmeta po žalbama na odluke ovog suda, od toga 241 pravni lijek je odbačen ( koji ne utječu na kvalitet suda ) pa je od ukupno 128 odluka koje je revizioni sud riješio ; 102 odluke potvrđene (80%), 8 preinačenih (8%), 13 ukinutih i 5 djelomično ukinute (12%), što je jako dobar kvalitet rada ovog suda na građanskom referatu.

## REFERAT UPRAVNIH SPOROVA

Na upravnom referatu u 2023.godini raspoređeno je 5 sudaca : predsjednica odjela i 4 suca koji su i su prema Rasporedu poslova za 2023.godinu i dežurni suci , a tri suca su raspoređena i na rad u kaznenom odjelu: i to 1 sudac za prethodni postupak rad po „Kpp“ predmetima, 1 sudac za prethodno saslušanje zadužena sa „Kps“ predmeti i jedan sudac sa „K“ predmetima, kada suci sa kaznenog referata ne mogu raditi po istim.

Sud je u izvještajnom periodu u radu ukupno imao 3000 predmeta upravnih sporova od čega je iz 2022. godine preneseno 2186 predmeta, a zaprimljeno je novih 814 U predmeta. Iz prednjih pokazatelja vidljiv je smanjen priliv U predmeta (u 2022 godini zaprimljeno 1208 a u 2023.godini 804 predmeta što je za 404 predmet manje nego u 2022.godini . U 2022.godini ovaj sud je zaprimio 232 U predmeta ukinuta s Vrhovnog suda FBiH što je isto pokazatelj većeg priliva predmeta, a 2023.godine 63 ukinuta predmeta i 3 djelomično ukinuta.

U izvještajnom periodu riješeno je 1112 predmeta, a u 2022.godini 657 U predmeta, što znači da raspodjelom novoimenovanih sudaca u 2022.godini rezultiralo povećani broj završenih predmeta skoro 100%, iako je jedna sutkinja zbog bolovanja odsustvovala 73 radna dana. Na kraju izvještajnog perioda ostalo je za rješavanje 1888 U predmeta. Rasporedom poslova za 2024.godinu sudac s upravnog referata je zadužen sa upravnim predmetima 50% i sa kaznenim predmetima 50% zato što je sudac s kaznenog odjela otišao u mirovinu, predsjednica upravnog odjela također u 2024.godini stječe pravo na mirovinu, tako da očekivana ažurnost na ovom referatu bi bila cca 2 godine, ako priliv predmeta ostane na istoj razini kao u 2023.godini . Raspisani su natječaji za izbor 3 suca u 2024.godini za ovaj sud, te nakon imenovanje istih odrediti će se broj sudaca na upravni referat da se smanji ažurnost na cca jednu godinu. .

Navedeni referat je također na godišnjem Planu rješavanja predmeta te se predmeti rade po starosti inicijalnog akta, pa je na plan za 2023.godinu podijeljeno 912 U predmeta, riješeno je 897 predmeta te je samo 15 predmeta ostalo neriješenih sa plana za 2023.godinu, tako da je ovaj referat ispunio plan 98,36%, što je veoma dobar rezultat na upravnom referatu.

### **Tabelarni prikaz protoka predmeta upravnog spora za 2023.godinu :**

R. b.	Referat	Preneseno iz 2022. god.	Zaprimljeno u 2023. god.	Ukupno u radu u 2023god.	Riješeno u 2023. god.	Ostalo za rješavanje u 2024. god
1.	U	2153	786	2939	1075	1864
2.	Uvl,Uvp	24	24	48	31	17
3.	Uz IUž	2	2	4	3	1
4.	U-R	7	2	9	3	6
	<b>UKUPNO</b>	<b>2186</b>	<b>814</b>	<b>3000</b>	<b>1112</b>	<b>1888</b>

## **Vanredni pravni lijekovi u predmetima upravnih sporova**

Na upravnom referatu a po vanrednim pravnim lijekovima i u predmetima upravnih sporova ovog suda Vrhovni sud Federacije BiH je ukupno u izvještajnom periodu riješio 310 U predmeta, od toga 28 odbačenih pravnih lijekova, a kada se odbiju odbačeni pravni lijekovi, koji ne utječu na kvalitet suda ,onda je od ukupno 282 donesene odluke: potvrđene 188 odluke (67%), preinačene 28 odluke (10%), ukinutih 63 odluke i djelomično ukinute 3 odluke (23%), što znači da je kvalitet sudskih odluka 77%.

*U odnosu na prethodni izvještajni period (2022.g.) kada je uslijed promjene svog stava, Vrhovni suda FBiH ukinuo 232 presude Kantonalnog/Županijskog suda u Mostaru upravnog odjeljenja, u ovom izvještajnom periodu za 2023.g. smanjio se broj ukidajućih odluka, te isti iznosi 63 odluke.*

*Cijeneći strukturu ukidajućih odluka upravnog odjeljenja, proizilazi da od ukupnog broja (63) ukinutih odluka, 31 odluka ( 49,2%) je ukinuta iz razloga neodređenosti zahtjeva, odnosno neodređenosti izreke presude.*

*U pogledu vrste ovih upravnih sporova valja napomenuti da su isti, dakle 31 upravni spor pokrenuti po tužbama branitelja kojim traže isplatu zakonskih zateznih kamata na retroaktivno isplaćene iznose invalidnina, dakle isplata je izvršena sa zakašnjenjem.*

*Nadalje, od ukupnog broja (63) ukidajućih odluka, 17 odluka (27,3%) se odnose na predmete, također braniteljske populacije.*

*Naznačene odluke, njih 17 su ukinute uslijed promijenjenog stava Vrhovnog FBiH, o čemu je i Visoko sudsko i tužilačko vijeće BiH (VSTV), u januaru 2023.g. zauzeo svoj stav da se u takvim slučajevima ima primijeniti čl. 17.st. 3. Kriterija za ocjenjivanje rada sudija, a o čemu je Kantonalni/Županijski sud u Mostaru već iznosio u izvještajnom periodu za 2022.godinu. Ostalih 15 (23.8%) ukinutih odluka na upravnom referatu se odnose na ostale razloge.*

### **SUMARNI IZVJEŠTAJ O RJEŠAVANJU PREDMETA PO REFERATIMA za 2023.godinu**

<b>R. b.</b>	<b>Referat</b>	<b>Preneseno iz 2022. god.</b>	<b>Zaprimljeno u 2023. god.</b>	<b>Ukupno u radu u 2023.god.</b>	<b>Riješeno u 2023. god.</b>	<b>Ostalo za rješavanje u 2024. god</b>
1.	<b>Kpp</b>	1	54	55	54	1
2.	<b>Kps</b>	15	26	41	27	14
3.	<b>Kv</b>	1	47	48	43	5
4.	<b>K</b>	10	24	34	13	21
5.	<b>Rat. zločin</b>	14	5	19	6	13
6.	<b>Kž</b>	7	78	85	76	9
7.	<b>Kmž</b>	0	0	0	0	0
8.	<b>Kp</b>	0	3	3	3	0
9.	<b>Iksž</b>	0	10	10	10	0
10.	<b>Kžk</b>	1	5	6	1	5
11.	<b>K-Mpom</b>	3	17	20	19	1
12.	<b>Kbs</b>	0	4	4	4	0



13.	K-R	5	43	48	4	4
14.	Pžp	2	103	105	103	2
15.	GŽ	1802	1343	3145	1998	1147
16.	PŽ	258	205	463	252	211
17.	Rsž	447	121	568	453	115
18.	V	111	84	195	157	38
19.	U	2153	786	2939	1075	1864
20.	Uvl,Uvp	24	24	48	31	17
21.	Uz I UŽ	2	2	4	3	1
22.	U-R	7	2	9	3	6
23.	Su-Ap	17	117	134	120	14
24.	Su-Dp	15	392	407	388	19
25.	Su-Spi	1	39	40	38	2
26.	Su-Su	78	175	253	93	160
	<b>Ukupno</b>	<b>4974</b>	<b>3709</b>	<b>8686</b>	<b>5014</b>	<b>3669</b>

**Pregled predmeta sa Plana rješavanja predmeta za 2023.godinu po starosti inicijalnog akta**

	Predmeti inicirani 2023. godine	Predmeti inicirani 2022.-2021. godine	Predmeti inicirani 2020.-2019. godine	Predmeti inicirani 2018.-2015. godine	Predmeti inicirani 2014.-2010. godine	Predmeti inicirani 2009. godine i ranije	Ukupan broj predmeta
<b>Broj predmeta u planu</b>	63	386	1407	992	145	130	<b>3123</b>
<b>Neriješeni predmeti iz plana</b>	0	9	19	6	1	2	<b>37</b>
<b>Riješeni predmeti iz plana</b>	63	377	1388	986	144	128	<b>3086</b>
<b>% realizacije</b>	<b>100%</b>	<b>97,67%</b>	<b>98,65%</b>	<b>99,40%</b>	<b>99,31%</b>	<b>98,46%</b>	<b>98,82%</b>

Iz izvještaja o Planu rješavanja predmeta za 2023. godinu vidljivo je da ovaj sud konstantno rješava predmete po starosti inicijalnog akta. Na planovima za 2023.godinu od ukupno podijeljenih 3123 predmeta riješeno je 3086 predmeta, što znači da nije riješeno 37 predmeta a 12 predmeta s Plana rješavanja predmeta je proglašeno nerješivim, te je Plan rješavanja predmeta ispunjen 98,82 % što je veoma dobar rezultat zalaganja predsjednika suda i sudaca da se rješavaju najstariji predmeti iako je ovaj sud morao raditi predmete hitne prirode koji ne ulaze u plan rješavanja predmeta.

-

## MATERIJALNA SITUACIJA U SUDU

U proteklom izvještajnom periodu Sud je radio u odličnim materijalnim uvjetima, te je 2023. godinu okončao bez dugovanja. Rezultati su posljedica uspostavljanja efikasnih mjera štednje i racionalnog poslovanja, ali i izvrsne suradnje ovog Suda sa izvršnom vlasti HNK/Ž, poglavito s resornim ministarstvom i Vladom HNK/Ž.

Financijsko poslovanje se obavljalo bez ikakvih poteškoća, kako u oblasti isplate plaća i naknada za suce i ostale djelatnike Suda, tako i u oblasti namirenja materijalnih troškova (komunalnih, poštanskih usluga, izdataka za električnu energiju, nabavke uredskog materijala, goriva, usluga održavanja službenih vozila, kompjuterske opreme, troškova sudskih vještaka i odvjetnika po službenoj dužnosti i dr.).

Upoređenju sa troškovima koje je ovaj sud imao za odvjetnike po službenoj dužnosti u 2022. godini, i koji su tada iznosili čak nevjerovatnih 253.000 KM, prošle godine ti su se troškovi znatno smanjili, te su iznosili 199.100 KM.

U protekloj godini se sudski menadžment pobrinuo za nabavku dodatne neophodne opreme za rad, u vidu 6 računara, 2 printera, 18 ergonomskih kancelarijskih stolica, te je riješen dugogodišnji problem neadekvatnog i nefunkcionalnog sustava ventilacije u arhivskom depou, nabavljen je također i jedan automobil za potrebe dostave pošte, kompletnom nabavkom opreme određene od strane Ministarstva sigurnosti BiH za opremanje sobe za rad s tajnim podacima. Također su znatno povećana sredstva za redovno održavanje zgrade, čime su se otvorile mogućnosti da se u Sudu napokon riješe problemi dotrajalih vodovodnih sistema, te neadekvatnog sustava ventilacije u arhivskom depou.

Međutim, za sud najznačajnija, ali svakako i finansijski najveća je investicija za realizaciju projekta energetske učinkovitosti, a koja je realizacija počela krajem 2022. godine, a završena sredinom aprila 2023.god. čime se napokon riješio problem termoizolacije zgrade Suda, postavljeni su novi vanjski otvori, te je ugrađen fan coil sistem grijanja i hlađenja. Također je riješen i problem strujanja zraka kroz središnji dio zgrade, čime se do sada znatno gubilo na energetskej efikasnosti.

Realizacijom svega gore navedenog uvjeti za rad sudaca i ostalih djelatnika suda su znatno poboljšani, te će se znatno smanjiti troškovi električne energije čime će se ostvariti uštede za proračun HNK/Ž.

## RAD SUDSKE UPRAVE

Ovaj sud je i u 2023. godini nastavio s ispunjavanjem planiranih zadataka utvrđenih IPA projektom 2017 „Izgradnja efikasnog pravosuđa u službi građana“, kao i Strateškim i Godišnjim programom rada suda za 2022.-2024. godinu koji je Stalna komisija za efikasnost i kvalitet sudova usvojila i dala suglasnost za njegovu objavu na web stranici.

Predsjednik Suda i predsjednici odjela ovog Suda, a temeljem okončanog projekta Norveške i Nizozemske vlade „Unapređenje pravosuđa u građanskoj oblasti“, te donesenih Smjernica za rad sudova, a u okviru ispunjavanja obaveza iz zaključenih Memoranduma i tijekom 2023. godine su održavali tromjesečne sastanke sa predsjednicima ovih sudova i predsjednicima odjela tih sudova, a predsjednik Suda je izvršio obilazak i kontrolu rada

općinskih sudova u Mostaru, Konjicu, Čapljini i Čitluku po dva puta, i to u dane 11. i 12.7.2023. godine i u dane 5. i 6.12.2023. godine.

U tijeku 2023. godine ovaj Sud je uzeo aktivno učešće i u Projektu „oduzimanje imovinsko-pravne koristi stečene krivičnim djelom“, koji projekat je organiziran od strane Vlade Ujedinjenog Kraljevstva, uz sudjelovanje VSTV-a, Ustavnog suda BiH, Suda Bosne i Hercegovine, Vrhovnih sudova Federacije Bosne i Hercegovine i Republike Srpske, kao i kantonalnih sudova FBiH.

Poslovi sudske uprave u tijeku 2023. godine obavljali su se u okviru tri unutarnje organizacione jedinice i to: Pisarnice suda, Odsjeka asistenata sudaca i Odjeka finansijskih, računovodstvenih i pomoćno-tehničkih poslova.

Poslovima i radom sudske uprave osigurani su svi uvjeti za pravilan i efikasan rad Suda, a naročito oni koji su se odnosili na: organizaciju unutarnjeg poslovanja Suda, brigu o urednom i pravovremenom obavljanju svih poslova u Sudu, osiguravanju uvjeta za rad sudaca i ostalih zaposlenika Suda, obavljanje poslova u vezi sa ostvarivanjem prava iz radnog odnosa svih zaposlenih, poslova vezanih za stručno usavršavanje sudaca i ostalih uposlenika Suda, obavljanje poslova vezanih za rukovanje oduzetim stvarima u kaznenim predmetima, vođenju sudske statistike i izrade svih izvještaja o radu Suda, vođenju evidencija vezanih za rad sudaca porotnika, ovjeru isprava iz nadležnosti Suda, postupanje po urgencijama stranaka u pojedinim spisima i druge poslove određene zakonom i podzakonskim aktima.

U izvještajnom periodu dosljedno su primjenjivane odredbe Pravilnika o unutarnjem sudskom poslovanju donesenim od strane VSTV-a BiH, Pravilnika o sistemu za automatsko upravljanje predmetima u sudovima (CMS), Pravilnika o orijentacionim mjerilima za rad sudaca i stručnih suradnika, Uputstva VSTV-a BiH za rad po starim neriješenim predmetima i Pravila u vezi snimanja zaštićenih svjedoka putem video linka.

U 2023. godini u okviru sudske uprave zaprimljeno je ukupno 791 predmeta i to:

- A) 163 predmeta sudske uprave (signature od Su-Su) ukupno u radu bilo 259 predmeta, riješeno 181 Su predmet i ostalo za rješavanje u 2023. godini 78 predmeta
- B) 33 zahtjeva za pristup informacijama (Spi) riješeno 32 predmeta Spi, ostao 1 predmet za rješavanje u 2023. godini
- C) 383 predmeta sudske uprave skraćenog djelovodnika – dostava podataka (sig. Su-Dp) riješeno 378 Su Dp predmeta i ostalo za rješavanje u 2023. godini 15 predmeta
- D) 212 Su Ap – odluke i zahtjevi za odgovor na apelaciju sa Ustavnog suda BiH. Ukupno u radu bilo 234 predmeta, riješeno 217 predmeta i ostalo za rješavanje 17 predmeta u 2023. godini.

Nadalje, i u tijeku 2023. godini završene su sljedeće zakonske obaveze i aktivnosti:

1. Ocjenjeni su svi državni službenici i namještenici, te sukladno tome podnesen izvještaj Agenciji za državnu službu Federacije BiH.
2. Poduzete su opsežne radnje u svrhu primjene obligatornih normi Zakona o zaštiti tajnih podataka u smislu da su svim licima koja obavljaju poslove radnih mjesta sa Liste radnih mjesta izdate sigurnosne dozvole za rad sa tajnim podacima, te je od strane predstavnika Ministarstva sigurnosti BiH izvršen instruktivni nadzor za uspostavu sigurnosnog područja

za zaštitu tajnih podataka u Županijskom-Kantonalnom sudu u Mostaru, prilikom kojeg su utvrđene mjere koje ovaj sud treba da izvrši, od čega su slijedeće mjere izvršene u potpunosti, a to su uspostava propisanih evidencija za tajne podatke, postavljanje protivprovalnih vrata po određenim standardima na ulazu u sigurnosno područje, te je nabavljena slijedeća tehnička oprema: računar, šreder/rezač papira, kamera koja je postavljena na ulaz u sigurnosno područje, sef za pohranjivanje tajnih podataka koji zadovoljava propisane standarde, protuprovalni sistem / sistem detekcije upada (IDS) sa detektorom otvaranja vrata i detektorom pokreta koji također zadovoljava propisane standarde, istem elektronske kontrole pristupa koji uključuje elektromagnetni čitač kartica sa šifrnikom, sandučić za odlaganje oružja, mobitela, USB medija i sl. uređaja kojima je moguće kompromitirati tajne podatke, te je prostorija sigurnosnog područja osigurana prenosnim protivpožarnim aparatom.

3. Nakon što je usvojen Etički kodeks, te su djelatnici popunili i potpisali izjave u svrhu vođenja instrumenata za praćenje primjene tog Kodeksa, svi djelatnici (namještenici i državni službenici) koji do 2023.g. nisu pohađali obuku, u toku 2023. godine su pohađali on line obuku za uposlenike sudova i tužiteljstava u oblasti etike, integriteta i sprečavanja sukoba interesa u pravosuđu u BIH, te je osigurano pohađanje većeg broja raznih obuka za djelatnike koji su iskazali interes za pohađanje istih
4. Usvojen je, dobio potrebne suglasnosti resornih ministarstva, te stupio na snagu novi Pravilnik o sistematizaciji radnih mjesta, te su sukladno tome donesena nova rješenja o raspoređivanju za sve djelatnike (namještenike i državne službenike).
5. Na snagu su stupili novi Pravilnik o radu i Pravilnik o plaćama, na koje su potrebne suglasnosti i mišljenja dala resorna ministarstva.
6. Nakon što je radna grupa ovog suda provela anketu među zaposlenicima i dostavila rezultate preliminarne analize stanja u Županijskom-Kantonalnom sudu u Mostaru na temu rodne ravnopravnosti, izrađen je Akcioni plan za rodnu ravnopravnost ovog suda a koji je krajem septembra 2022 god. usvojen od strane V.S.T.V. U tijeku 2023 god. su poduzete potrebne aktivnosti predviđene ovim Akcionim planom. Kordinatorica radne grupe i savjetnica za prevenciju seksualnog i rodno zasnovanog uznemiravanja dostavila je dana 29.12.2023.godine Izvještaj o aktivnostima i realizaciji Akcionog plana za rodnu ravnopravnost u Županijskom – Kantonalnom sudu Mostar koji je sastavni dio ovog Izvještaja.
7. Djelomično je obnovljen dotrajali namještaj, u smislu da je nabavljeno 18 novih uredskih stolica.
8. Nabavljeno je novih 6 računara i 2 printera.
9. Poduzete su konkretne mjere za poboljšanje uvjeta za rad u prostorijama arhivskog depoa i to u smislu da se stavi u rad prethodno ugrađen ventilacijski sistem, te su nabavljeni dodatni ovlaživači prostora za te prostorije, kao i pročišćavači zraka. Navedenim su po prvi put stvoreni optimalni uvjeti čuvanja registraturne i arhivske građe. Poduzete su opsežne radnje da se napravi reorganizacija u arhivskom depou u smislu da se sva registraturna građa

presloži, s obzirom da je višegodišnji nemarni rad i ogromni zaostaci u urednom slaganju registratorske građe u istoj doveli do nužnosti sistematske reorganizacije, preslagivanja i pregledavanja registratorske građe, te je na inicijativu tajnika i šefa pisarnice predsjednik Suda organizirao grupu djelatnika koji će povremenom ispomoći arhivaru Suda stanje u arhivskom depou u potpunosti dovesti u uredno i zadovoljavajuće.

10. U tijeku 2023. godine završeni su opsežni građevinski radovi u zgradi suda u sklopu projekta energetske učinkovitosti, te se u prizemlju i na dva kata ugrađeni novi vanjski otvori, postavljena je izolacija na vanjske zidove, ugrađen je novi sistem grijanja i hlađenja, te se zatvorio središnji dio suda (atrij) i time se omogućilo grijanje/hlađenje hodnika čime se u znatnoj mjeri doprinosi energetskej efikasnosti.
11. Također, zahvaljujući dodatno odobrenim sredstvima od strane Vlade HNŽ/K za održavanje zgrade suda, koja je stara (izgrađena 1892 god.) i u kojoj su instalacije dotrajale, obnovljene su vodovodne instalacije i ti radovi su usklađeni sa izvođenjem već navedenih građevinskih radova energetske efikasnosti.
12. U izvještajnom periodu u ovom sudu poštovane su Smjernice za prevenciju seksualnog i rodno zasnovanog uznemiravanja i u sudu nisu pokretane interne procedure niti je bilo zabilježenih slučajeva seksualnog i rodno zasnovanog uznemiravanja, te su održane sa djelatnicima suda i radionice vazane za ste.
13. Također je potrebno napomenuti da je i u tijeku 2023 god. održavana izuzetna i konstruktivna suradnja i komunikacija sa Vladom kantona, prvenstveno Premijerom i Ministrom pravosuđa, te smo od strane njih nailazili na potpuno razumijevanje za naše potrebe, a što govori i činjenica o veoma velikim novčanim sredstvima koja su izdvojena za potrebe suda odnosno stvaranje uvjeta za normalni i učinkovito djelovanje i rad suda.

Nadalje, što se tiče urgencija stranaka za rješavanjem predmeta, iste se pregledavaju od strane Predsjednika suda kvartalno i ukoliko su opravdane stavljaju na Listu Van plana za pojedine kvartale, obzirom da se na Plan rješavanja starih predmeta stavljaju najstariji predmeti prema datumu inicijalnog akta.

Važno je također istaći da je između predmeta koji se odnose na sudsku upravu (sig.Su) zaprimljeno i riješeno 32 zahtjeva za slobodu pristupa informacijama, s napomenom da se ti zahtjevi rješavaju kraćim putem e-maila, tako da su strankama što prije udovolji.

Predsjednik suda i tajnica suda su organizirali poslove iz sudske uprave, tako da su se svi poslovi izvršavali na vrijeme, a izvršeno je i ocjenjivanje 4 predsjednika prvostupanijskih sudova Općinskih sudova Konjic, Čapljina, Čitluk i Mostar, te je ocjenjeno i 20 sudaca ovog suda od strane Predsjednika suda.

U izvještajnom periodu kontinuirano su se pratili mjesečni izvještaji o radu svakog suca pojedinačno i suda u cjelinu kroz sistem CMS-a u smislu broja urađenih odluka, kvaliteta rada (po vanrednim pravnim lijekovima i apelacijama) ali i stanju broja neriješenih predmeta. Pravodobno se dostavljaju izvještaju VSTV-u, Sudu BiH, Vrhovnom sudu FBiH i Ministarstvu pravosuđa, uprave i lokalne samouprave koji su propisani zakonima i ostalih propisima. Također po nalogu VSTV dva puta godišnje se vrši provjera točnosti podataka koji se unose

u CMS sistem po metodu slučajno odabranih po pet predmeta za svakog suca te se o toj provjeri i kontroli dostavlja Izvještaj VSTV-u.

Uposlenici sudske uprave su, temeljem Odluka i akata VSTV BIH, vršili kontinuirano podjelu predmeta za rad i to prema starosti inicijalnog akta i hitnosti postupaka, uzimajući u obzir i urgencije po pojedinim spisima, s tim što je predsjednik odjela u okviru plana rješavanja starih predmeta svaka tri mjeseca vršio kontinuiranu podjelu predmeta za rad te u tom smislu svakom od 13 sudaca sa građanskog referata dodjeljivao kvartalno po 43 predmeta, a za kazneni i upravni odjel sačinjen je godišnji plan prema Uputstvu VSTV-a.

U okviru sudske uprave su se redovno održavali radni sastanci sa šefovima unutrašnjih organizacionih jedinica i uposlenicima Odjela, a što je rezultiralo znatno boljom kvalitetom obavljanja svakodnevnih poslova i radnih zadataka, odgovornijim odnosim prema radu i radnoj disciplini te dosljednijem poštivanju etičkog kodeksa ponašanja.

Sudska uprava je isto tako u toku 2023. godini osigurala sucima logističku podršku pri ostvarivanju obveznih edukacija ostvarenih kroz seminare i savjetovanja koji su bili organizirani od strane Centra za edukaciju sudaca i tužitelja FBIH pa su svi suci ispunili najmanje 3 obavezna dana prisustvovanja edukaciji, a neki i mnogo više, a iskustva stečena na stručnim usavršavanjima pozitivno se odrazila na kvalitet rada svakog suca pojedinačno ali i Suda u cjelini.

Na kraju treba istaći da je sudska uprava ostvarila i veoma dobru suradnju sa Odjelom sudske policije HNK/Ž i da je sudska policija u proteklom periodu uspješno obavila sve zadatke koje je dobivala od strane predsjednika Suda i sudaca sa krivičnog referata.

Mostar, 06.02.2024. god.

Predsjednik suda

Zoran Krtalić